



## **Reglament d'absenzas e congedis**

Sebasond sils artechels 28/68<sup>1</sup>/96 dalla lescha da scola cantunala dils 02-03-2012, sin artechel 25 dall'ordinaziun tier la lescha da scola, sco era sin artechel 14<sup>2.15</sup> dalla lescha da scola dalla vischnaunca da Mustér dils 27-02-2015, relai il cussegl da scola dalla vischnaunca da Mustér suandont reglament d'absenzas:

### **Art. 1 Principi**

<sup>1</sup> Las personas cun la pussonza dils geniturs ein responsablas che lur affons frequentien regularmein la scola.

<sup>2</sup> Personas cun la pussonza dils geniturs che cunterfan a questa stipulaziun vegnan castigai tenor il suranumnau artechel 96 dalla lescha cantunala cun castitgs tochen frs. 5000.-.

<sup>3</sup> Ils scolasts ein obligai d'annunziar absenzas buca lubidas al meinascola.

### **Art. 2 Absenzas perstgisadas**

Sco absenzas perstgisadas valan:

1. Malsogna ni accident digl affon. Tier absenzas che cuozan dapli che 3 dis, sa la direenziun da scola pretender in attestat dil miedi.
2. Mortori en famiglia, parentella ni in'otra persuna da stretga relaziun.
3. Visetas da posts da cussegliaziun ni autoritads.
4. Visetas tier miedi ni dentist.
5. Survetsch da messa.

Il scolast da classa ei mintgamai d'informar avon l'absenza perstgisada.

### **Art. 3 Motivs per congedis**

a) General

1. Da principi dat ei negin dretg sin congedis.
2. Il congedi duei pertuccar il scolar directamein.
3. Il congedi duei mo vegnir lubius, sch'igl ei buca pusseivel d'exequir l'activitad en damonda el temps liber.
4. Ord motivs disciplinars e pervia da schliet departament sa ina damonda da congedi vegnir renviada ni lubida mo cun resalva.
5. Il scolar pren avon ni suenter la materia tractada duront siu temps d'absenza e s'interessescha (resp. ils geniturs) per il material ch'el drova.

b) Fuffernadis (mo per la scola superiura)

Duront il temps da scola vegn in fuffernadi mo lubius, sch'el ei necessaris per survegnir la piazza d'emprendissadi, ni sch'igl ei buca pusseivel da far il fuffernadi duront il temps da vacanzas (mussaments dil patrun).



#### **Art. 4 Damondas/lubientschas da congedis**

<sup>1</sup> Damondas da congedi ein adina d'inoltrar a scret sil pli tard 2 jamnas avon al scolast da classa. Lez decida tenor cumpetenzza ni dat vinavon la damonda al menader da scola. Las decisiuns san vegnir pridas suandontamein:

- scolast da classa damondas per 1 di
- menader da scola damondas tochen 5 dis
- president dil cussegl da scola damondas tochen 10 dis
- cussegl da scola damondas tochen 15 dis

<sup>2</sup> En cass da dubi sto l'istanza superiura vegnir integrada. Il menader da scola sto vegnir informaus sur da mintga congedi. Formulars per damondas da dispensa ein da retrer tier la persuna d'instrucziun da classa.

Ils geniturs vegnan informai davart congedis ed absenzas a caschun dalla sera da geniturs. Ils scolars vegnan informai mintgamai all'entschatta digl onn da scola dil scolast da classa.

Approbau dil cussegl da scola, ils 20-11-2014

Il president:

Il meinascola:

Simon Bergamin

Kai Hinrichsen